

大六壬五變中黃經正文

大六壬五變中黃經正文

卷之一

經曰

日為己身最要明

上下吉神兼吉祿

三傳年命克我身

克我無氣身自吉

莫執行年本命親

干合支合恣親類

凶神克害辰日上

三傳無繫尅無刑

自然得遂得安寧

只為他鬼莫相親

我復克方不害人

建合干下地支分

仔細消詳認假真

與日何類辨元因

生我即須尋父母

克我相傷覓子孫

同類事後兄弟起

干合多在妻妾身

生我禍中途遠外

我生雖憂在比隣

寅若長生是道人

申臨死絕行尼僧

天罡生旺為公吏

戌加四孟主多單

貴人帶印克今日

便是煞身有祿人

申午相加作天后

用神大吉媾婿親

戌加亥子亥合位

鑄印乘軒作匠人

天地醫同入空亡

學論須看旺相神

天地得戌戌克日

絕敗空亡是賤貧

課中端的無差悞

好把當時建一旬

五行俱旺四時中

莫指東方木旺春

夏火秋金冬貴水

自然都是一時春

用神旺相鬼無氣

便是鬼賊生旺身

主事旺我我得旺

自然凶禍不為凶

莫把東方木作名

木中生火尅金刑

特至物類隨時變

一物相合萬物生

休道南方午火尊

火來正旺反傷壬

盡道亥子元來水

水性和柔動即止

若識五行真假位

除非這作真合鬼

莫執水火相刑克

是物皆能化五行

誰道西方休是金

金中建作火中凶

申酉能克西方物

西方物傷庚辛金

悞作四季是真土

土旺能傷金水木

盡知變動不同情

後學之人多執悞

要知災福知休日

先以鬼賊分端的

次看初末辟休期

會者萬中無一失

卷之二

陽將陽神建陽干

上下俱陽男子顯

北陰是女言非課

北與不比從多管

亥子短身黑色分

寅卯拳面青白靨

巳午腰長兼紅白

申酉肌柔有福臉

辰吏面方耳輪厚

小吉頭黃額尖容

天魁玄武必身鬚

丑月頭負黑星點

蛇日是火性燥急

戰克憂驚在小兒

在初怪夢心無定

未傳火炷課中推

朱雀相生印信權

克日口舌事難安

在初禍斧官事急

未過身須有遠看

六合從來福逆加

相克夫婦見乖差

用在戶門姦事起

終於己亥遠相家

勾陳戰開福皆休

與日相生道路警

中末二傳俱吉利

也須禁忌出身愁

青龍相生事皆和

更逢建旺室財多

若與日辰相克害

疾病傷財事轉磨

天后相刑暗昧生

日不克時婚可成

若與亥卯酉同位

必為邪淫在獄庭

太陰克日起邪私

終有陰人撓訟詞

更逢卯酉為合類

事同凶惡定無疑

玄武相刑主盜傷

破財官事及外亡

類與日辰無克戰

凶中就吉却無妨

太常無克事歡寧

小吉同逢賓客迎

初與日辰難聚會

事因酒食作官刑

白虎凶神豈見祥

男女分占共死亡

復有其神臨卯酉

免死須歸道路傍

天空上下俱刑日

訟出獄門病沉溺

貴人戰聞莫論官

與日相生福轉寬

三傳日辰並來期

見其二字決凶疑

寅亥遇之身主病

寅辰逢辰獄囚遲

卯子當時占盜賊

己亥傳之在路岐

丑午入傳多咒咀

未酉加之姑嫂離

要知心內多猶豫、勝光傳送事無疑

河魁行年臨玄武 身主頭籍事不移

凶神復行凶神位 帶煞披刑有克制

救之不效復來傷 官災流配死入墓

吉神行來吉神助 更吉與赤同支住

解神不解吉相生 自是官遷祿聚福

五行真假莫執一 先視五行建那支

建支五行與日比 自是災消福祿隨

五行建合少人知 建旺難逢合使支

建得一鬼未傷我 復來助救我無疑

建合又復建合鬼

便是龍帝作福難

行年本命亦行建

內有救神亦主凶

占課類因何事起

三傳本命動傷時

來往相乘反戰爭

鬼旺臨日更得地

日時吉將主於生

戰聞吉凶誰得地

傷我今日救不止

日縱生旺亦洩死

三傳辰上禍來戰

傷不傷人看家眷

細看鬼賊神將理

更傷日干凶不止

克復交加用囚死

吉神吉將終不喜

鬼犯絕空禍不真

禍囚福旺喜皆亨

凶吉力平，神將等
路若有程，時得正
官病萬類，漸何事

切分遠近，路無程
如臨魁正，指之情
龍虎玄常，最要明

卷之三

尊卑先後，彼我同

日辰上將，所克凶

日上尊方，宜先起

辰上旺方，卑自通

害我是男，或是女

論今日魁，辨陰陽

欲知帶敵，及完全

鬼賊來乘，肉戰看

若逢申鬼，當得內

即須頭面，不堪現

千支俱敗，身入墓

復身絕地，不完全

自刑自制生不起

必逢醜德起無端

四神供旺多壯智

反此刑傷是老年

諸震不用鬼賊多

鬼位乘臨上下傳

假使管杖幾時休

禍斧須憂壯鬼勾

解神日旺秘傳吉

是放臨年有中秋

有無管杖看勾陳

白虎無刑旺貴神

用起青龍兼有教

自然會合福無邊

勾陳帶木虎落壬

官事及有杖責言

日土行年天乙左

三傳並皆克今日

勾虎之陰克貴神

事發身須憂刑戮

勾陳作虎同傷日

得罪當憂遭刑獄

貴神克日反刑冲

占訟須知不免凶

三傳有克身下鬼

定見管流苦罪中

要知課中刑責數

勾陳四位加城尋

身自欲責復無責

貴人初解免禍凶

天乙順行為不背

太歲生日終無罪

雖有勾虎陰同克

城獄須教作邊逆

天乙太歲皇書同

未往相生道路通

縱有勾陳臨血刃

臨必身須得免凶

二馬初傳為教例

復交馬克勾陳位

便有死罪事宜避

縱有編配亦可避

要知存亡看虎蛇

陰神陽神分賓主

陽命陰傷見死亡

陰命陽傷必見鬼

白虎天后與陸蛇

克日須尙病轉加

陰與陽神看得地

竹年被克死無差

五行日時俱入墓

絕敗空亡逢日遇

縱有解神亦主凶

凶吉應期日上主

喪車鐵鑊臨門戶

孝服死神無旺位

縱有福神生日解

也應沉湮災难度

日上救神正當時

白虎陰陽自戰持

內有凶神立衰敗

天年灾患瘥無疑

初傳動土噎咽喉

若無重数虎當頭

五行五臟須同用

仰伏白虎一般求

若見用神是太乙

併作騰蛇病在頭

如是玄武登明上

病多眼目泪交流

忽見天空臨戌位

須知行步不能遊

更過勾陳在天秤

占灾多主病咽喉

那堪傳送臨白虎

凡占支体也須憂

莫道功曹加青龍

肝胆又與胃相讐

用傳邪合膏脇痛

凡占女病損肌柔

不喜太陰從魁上
更逢子用天后位
若也太常同小吉
男用天罡女用魁
功曹之下男求藥

病源腹痛肺心愁
仍云男女本根由
病饒吐噎氣難分
加魁年上法令依
傳送之方女覓醫

卷之四

上克下兮多自失
上下相生看得地
占盜陰陽男女分
克處不往生處去

下克上兮盜賊將
玄武物傳兩位當
玄武三傳辨的真
少榮老敗定其真

行年三傳克玄武

更看內戰見勾虎

縱使玄武生更旺

定見賊人自敗露

玄武陰生為伴數

物在神前所克處

假使火神五人伴

中酉為賊看其度

日生玄武無由敗

三傳本命復無害

吉將良神賊自寧

盜賊相乘去無碍

若見二水臨下來

定推隱匿在比隣

要知藏物在何處

即在墓中灰土尋

不若近河并近井

或在覆棚室台中

不拘在家與在外

須推玄武有相親